

2016 OTS 18

SARRERA

Eskoriatzako Euskal

308

Preso Politikoen lagunen izenean **Eskoriatzako EH BILDU udal taldeak aurkezten duen mozioa.**

Eskoriatzako udal batzari eskatu nahi diogu, sakabanaketa politikaren ondorioz, presoek, senideek eta lagunek –bereziki Eskoriatzako Iparragirre eta Guenetxea sendiek- pairatzen duten sufrimendua aintzat hartzea, eta horren aurrean jarrera bat agertzea. Izan ere, kolektibo horrek giza-eskubideen gaineko hitzarmena urratzen duen espetxe politikaren ondorioak jasaten ditu, eta bidegabeko sufrimendua eragiten die kide orori.

Amnistia International moduko erakunde errespetagarriak, urtero plazaratzen duen txostenen bidez adierazi du presoek sakabanaketak arauak urratzen dituela. Hain zuzen ere, nazioarteko arauetan jasota dauden oinarrizko eskubideekin talka egiten duelako. Horrela baieztatu zuen Europako Giza Eskubideen Auzitegiak “ Khodorkovskiy and Lebedev vs Russia” izeneko epaiarekin:

“Presoak senideengandik urruntzeak Europako Giza eskubideen hitzarmeneko 8.

Artikulua urratzen du”. Hortaz, Espainia eta Frantziako gobernuek aplikatzen duten sakabanaketa-politikak honako guztia dakar:

- Presoen bakartzea eta inkomunikazioa; baita senitarteko zein inguru sozial eta kulturaletik deserrotzea.

- Senide eta adiskideek urteko milaka eta milaka kilometro egitera behartuta egotea, dela autoz edo bestelako garraiobideez. Eskoriatzako presoek kasuan, senideak derrigor 22.000km inguru egin behar dituzte, eite guztietako istripuak izateko arriskupean egonik. Era berean, horrek guztiak gastu ekonomiko izugarria dakar eta familia guztiek ezin diote gastu horri aurre egin. Presoei bisitak egiteak urtean 15.000€ inguruko gastuak eragiten ditu eta sarri senide, lagun eta auzokideen elkartasunari esker egin behar izaten diote aurre.

- Harremanik gabeko denboraldi luzeak. Mugikortasun arazoak dituzten senideek, adineko pertsonak edota adingabeek, elkarrengandik banatzen dituzten distantziaren ondorioz, denbora luze, kasu batzuetan betiko, igarotzen dute beraien senide edo laguna ikusi gabe. Eskoriatzako senideen kasuan, jakina da, gurasoen adinaren ondorioz urtean bisita bakarra egiten diotela beraien alabari. Eta ziurrenik egoera ez dela hobera joango. Aurrez azaldutako guztiak, eta bestelako bidegabekeria batzuk, adibidez, ikasketak egiteko zailtasunak, presoek sufrimendua areagotzen du. Baita senideena eta hurbilekoena ere, dispersio politikaren zigorra bidegabeki eta zeharka sufritu behar dute eta.

Horregatik guztiagatik, mozio honen bidez, herritarrak kontzientziatu nahi ditugu pertsona guztiei zor zaizkien oinarrizko eskubideei buruz, espetxeetan dauden Euskal Preso Politikoa barne, eta batez ere, Eskoriatzako herritarra den Marixol Iparragirren inguruan.

Azkenik, presoei eta beraien senideei ezarritako aparteko zigorrarekin amaitzeko sakabanaketa bertan behera uztea exijitzen dugu, eta nola ez, preso ororen Euskal Herriratzea. Era horretan, izugarriko sufrimendua eta hainbat zauritu nahiz hildako eragin dituen politika bukatutzat emango genuke. Legez dagokie euskal presoei bere jaioterrian egotea. Halaber, gizalegez dagokie euren senide eta lagunen ondoan bizitzea, eta bake legez ere, euskal herritar guztiengandik gertu egotea. Sakabanaketa politika erabaki politikoa izan

zen, eta zoritxarrez oraindik ere ala da. Alabaina, garai berri baten atarian, bestelako erabaki batek hainbesteko sufrimenduarekin amaitu behar du.

Beraz, eskatzen dugu testu honetan aipatu diren eskubideak betetzea eta udalbatza osatzen duten erakundeek borondatea ager dezatela gizartea kontzientziatzeko. Modu horretan, aurretik aipatutakoarekin bat eginez, Eskoriatzako udalbatzak hurrengo erabakiak har ditzan nahi dugu:

- 1- Osoko bilkura dispertsio politikaren aurka agertzea, presoek euren bizilekuetatik zein inguru sozialetik gertu diren kartzeletan egon behar dutelako.
- 2- Eska diezaietela Espainiako eta Frantziako gobernuei sakabanaketa politikarekin amaitzea.
- 3- Eska diezaietela bi estatu horien espetxe instituzioei eta Audientzia Nazionaleko kartzela zaintzako epaileari euskal presoak, eta bereziki Eskoriatzako Marixol Iparragirre beraien bizilekuetatik hurbil izateko bitartekoak martxan jartzea.

Eskoriatza, 2016ko otsaila.



Eskoriatzako EH BILDU udal taldeko bozeramaila.

Aitor Zubizarreta Alegria.